

KJKP "RAD" d.o.o. Sarajevo, Paromlinska 57. (u daljem tekstu: "Osiguranik"), koga zastupa v.d. direktor Selim Babić, dipl.ing.građ.

Broj rješenja: UF/I-889/01
Porezni broj: 01700105
Identifikacioni broj: 200316890001
Transakcijski račun broj: 338-900-22080776-49
UniCredit banka d.d. Sarajevo

i

"SARAJEVO OSIGURANJE" d.d. Sarajevo, Maršala Tita 29 (u daljem tekstu: "Osiguravatelj"), koga zastupa direktor Arif Kulić, dipl. pravnik

Broj rješenja: 065-02-0013-11
Identifikacioni PDV broj: 200326930001
Transakcijski račun broj: 199-049-0106232022
Sparkasse bank d.d.

zaključili su

U G O V O R

O VRŠENJU USLUGA OSIGURANJA IMOVINE OD POŽARA I NEKIH DRUGIH
OPASNOSTI I LOMA STROJEVA – LOT 3

PREDMET UGOVORA

Član 1.

Predmet ovog Ugovora je vršenje usluga osiguranja imovine od požara i nekih drugih opasnosti i loma strojeva, prema Pregledu motornih vozila i premije osiguranja i ponudi broj 01-853/17 od 13.03.2017. godine i Okvirnom sporazumu broj 05-03-04-6842/17 od 28.04.2017. godine zaključenog po Obavještenju o nabavci broj 83-1-2-87-3-22/17 od 09.03.2017. godine.

Član 2.

Ugovoreni oblici osiguranja odnose se na slijedeće:

- Građevinske objekte;
- Oprema - mašinska oprema;
- Namještaj;
- Oprema u objektima

Ugovoreni oblici osiguranja precizno su definisani Opštim uvjetima za osiguranje od opasnosti požara i nekih drugih opasnosti i Opštim uslovima za osiguranje imovine koji čine sastavni dio tenderske dokumentacije i navedene ponude.

CIJENA

Član 3.

Ovim ugovorom Osiguranik se obavezuje da udruži određena novačana sredstva (premiju) kod Osiguravatelja u iznosu od 2.892,60 KM, a Osiguravatelj se obavezuje, da ako se desi osigurani slučaj, isplati osiguraniku osiguranu sumu odnosno njen dio.

Ukupna vrijednost ugovora za 2019./2020. godinu iznosi 2.892,60 KM bez uračunatog PDV-a

Član 4.

Ugovorne strane su saglasne sa cijenom iz ponude i police osiguranja koja čini sastavni dio ovog Ugovora.

NAČIN PLAĆANJA

Član 5.

Plaćanje premije će se vršiti na slijedeći način:

- fakturisanje premije kvartalno (u 12 rata) a plaćanje odgođeno za 60 dana.

OBAVEZE OSIGURANIKA

Član 6.

Kada nastane osigurani slučaj na osnovu kojeg se traži naknada iz osiguranja, Osiguranik je dužan da postupi na slijedeći način:

- odmah će preuzeti sve što je u njegovoj moći da se ograniče štetne posljedice i pri tome se pridržavati uputa koje je dao Osiguravač ili njegov predstavnik;
- obavjestiti Osiguravatelja o nastupanju osiguranog slučaja najdalje u roku od tri dana od kada je to saznao;
- što prije a najkasnije u roku od tri dana dana, pismeno potvrditi prijavu učinjenu usmeno , telefonom, telegramom ili na bilo koji drugi sličan način;
- kada je šteta prouzrokovana požarom, eksplozijom, krađom, provalnom krađom i razbojništvom prijaviti nadležnom organu unutrašnjih poslova i navesti koje su sve stvari uništene odnosno oštećene ili su nestale prilikom nastanka osiguranog slučaja;
- odmah po nastanku osiguranog slučaja ako je to moguće, odnosno kad to prilike dozvoljavaju, podnijeti Osiguravatelju popis uništenih odnosno oštećenih stvari uz približnu naznaku njihove vrijednosti;
- do dolaska predstavnika Osiguravatelju na samo mjesto ne promjeniti stanje oštećenih odnosno uništenih stvari, osim ako je promjena potrebna u javnom interesu ili radi smanjenja odnosno sprečavanja povećanja štete;
- Osiguranik je dužan nezavisno od roka u kojem je podnio prijavu štete, predstavniku Osiguravatelja pružiti sve podatke i druge dokaze koji su potrebni za utvrđivanje uzroka, obima i visine štete. Osiguravatelj može isto tako zahtjevati da osiguranik pribavi i druge dokaze, ako je to nužno potrebno i opravdano;

OBAVEZE OSIGURAVATELJA

Član 7.

Osiguravatelj je obavezan isplatiti naknadu iz osiguranja po Opštim uvjetima za osiguranje od opasnosti požara i nekih drugih opasnosti i Opštim uslovima za osiguranje imovine koji čine sastavni dio tenderske dokumentacije i navedene ponude.

Član 8.

Kad primi prijavu o nastalom osiguranom slučaju, Osiguravatelj je dužan odmah, a najkasnije u roku od tri dana, pristupiti utvrđivanju i procjeni štete a ako to ne učini Osiguranik može početi otklanjati štetu uz uslov da prethodno komisijski utvrdi uzrok nastanka osiguranog slučaja i obim oštećenja. Osiguranik može i prije isteka tri dana početi otklanjati štete ako je to potrebno radi nastavljanja normalnog funkcionisanja. Štetu utvrđuju i procjenju zajedno Osiguranik i Osiguravatelj, odnosno njihovi ovlašteni prestavnici.

Član 9.

U slučaju da se Osiguranik i Osiguravatelj ne slože pri utvrđivanju i procjeni štete svaka od ugovornih strana može zatražiti da štetu utvrde vještaci. Iznos naknade ne može biti veći od štete koju je Osiguranik pretrpio nastupanjem osiguranog slučaja.

Član 10.

Kada se dogodi osigurani slučaj, Osiguravatelj je dužan isplatiti naknadu u ugovorenom roku koji ne može biti duži od četrnaest dana, računajući od dana kada je Osiguranik prikupio dokumentaciju za naknadu štete.

Ako je za utvrđivanje postojanja obaveze Osiguravatelja ili njezina iznosa potrebno izvjesno vrijeme, taj rok počinje teći od dana kada je utvrđeno postojanje njegove obaveze i ukupan iznos. Ako iznos ne bude utvrđen u roku od četrnaest dana Osiguravatelj je dužan na zahtjev ovlaštene osobe isplatiti iznos nespornog dijela svoje obaveze na ime predujma.

Član 11.

U slučaju da se Osiguranik ne složi u pogledu vrste i obima posljedica osiguranog slučaja može uložiti prigovor nadležnom sektoru u Direkciji Osiguravatelja.

Član 12.

Uslovi osiguranja po kojima se ispostavljaju police osiguranja bit će sastavni dio tih polica.

IZMJENE I DOPUNE

Član 13.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 14.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 15.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi najkasnije tri mjeseca prije isteka tekuće godine osiguranja.

U slučaju raskida ugovora, ugovorne strane će izmiriti sve svoje obaveze nastale do dana raskida Ugovora, a prema važećim uslovima iz ugovora.

OSTALE ODREBE

Član 16.

Za sve što nije regulisano ovim ugovorom primjenjuju se odredbe Zakona o obligacionim odnosima FBiH.

Član 17.

Sastavni dio ovog Ugovora je Ponuda ponuđača broj 01-853/17 od 13.03.2017. godine i Opštim uvjetima za osiguranje od opasnosti požara i nekih drugih opasnosti i Opštim uslovima za osiguranje imovine.

Član 18.

Ugovor stupa na snagu danom potpisivanja i traje do 30.04.2020. godine ili do datuma izvršenja obaveza koje su predmet ovog Ugovora.

Član 19.

Ugovor je sačinjen u 6 (šest) istovjetnih primjeraka i to 2 (dva) za Osiguravatelja, 4 (četiri) za Osiguranika.

ZA "SARAJEVO OSIGURANJE"

Direktor

Arif Kulić, dipl. pravnik

ZA KJKP "RAD"

v.d. Direktor

Selim Babić, dipl.ing.građ.

Broj 05-03-04- /19
Dana 29.04.2019. godine